

۸ ربیع الآخر سنہ ۱۳۳۶

سال

۲۲ کانون ثانی سنہ ۱۳۳۶

سر محرری : مصطفی فوزی

تاریخ تاسیسی ۱۳۲۷ سنہ ہجری

ہنگامہ اعتباریہ ممالک شامانہ ایچون پشین
اولہرق ۴۰ الی آیلنی ۲۵ غروش و ممالک
اجیبہ ایچون ۱۵ فرانقدر .

جریدہ صوفیہ

شمذیلک ہفتہ دہ بر نشر اولنور

صاحب امتیاز و مدیر مسئول حسن کاظم

ملت عثمانیہ امت اسلامیہ ایچون مفید اولان آثار
محبینہ لر منہ آجبقدر درج ایدلیان اوراق اعادہ ایدلر .

ادارہ خانہ — استانبول باب عالی جوارندہ
ابوالسمود جادہ سی نوسرود ۷۵ اصحاب مراجعاتہ
مرساعت آجبقدر

نومرو ۱۳۳

تصوفی ، دینی ، اخلاقی ، ادبی ، سیاسی جریدہ اسلامیہ در

نسخہ سی ۱ غروشدر

شئونات

بارون فون بوشه نك بیانانی

برلیندن ۶ کانون ثانی تاریخچه یازیلدور :

آلمانیا خارجیه نظارتی مستشاری بارون فون بوشه جمعه ایرتسی کونی راجیستاغ بودجه انجمنشده برست لیتووست مذاکراتی ابله اقوامک مقدراتلرینه حاکم اولملری مسئله سند المانیانک اتخاذ ایلدیکی طور وحرکت حقنده بروجه آتی بیانانده یولنشدور :

باش وکیل قوت «هدر تلینگ» اقوامک کندی مقدراتلرینه حاکم اولملری خصوصنده حائز اولدقلری حقوق حقنده کی وهدمن غیر خالصانه بر صورتده قاجق ایستدیکمزی اشرا بایده جک صورتده روس مطبوعاتی طرفندن وقوع بولان نشریاتی دون ردا وخرج ایتمقدور .

بیانات مذکور بی اتمام ایتمک اوزره باش وکیلک مساعدتیه بروجه آتی ایضا خات اعطاشه مسارعت ایدرم :

باش وکیلک نقطه نظری غیر متحولدر . مشارالیمک بونقطه نظری اختلاف دولترلرینک منافعه توافق ایلدیکی وجهله تحریف ایدلملیدر .

روس مرخصلرینک ۲۸ کانون اول تاریخلی آلمان تکلیفاتی شایان مذاکره کوزمیه رگ رد ایلدکلرینه دائر بیطرف مطبوعاتک ویرمش اولدینی خیرلر مغایر حقیقتدی . فی الحقیقه روس مرخصلری طرفزدن درمیان ایدیلان مطالبه قارشى احتراز ایشلر ایلده بوباید بر اختلاف حاصل ایتمک اوزره مسئله نك بر قومیسیتوده مذاکره سینه موافقت ایلدکلرینی بیلدیرمشلردور . مرخصلر من ابله روس مرخصلری آرد سنده منازعیه اولان مسائلک ۵۰ کاخون ناییده بر سلب لیتو ویتوده مذاکره سینه دوام ایدلسی دخی تقرر ایشلردر . متفقلمن بزمه بالاختلاف بوشراط دائره سنده روسلرک محل مذاکره بی تبدیل ایتمک معطوف بولنان تکلیفی متفقاً رد ایشلردور .

ارتحال مؤسوف

غزیه من هیئت تحریریه سندن وزاندارمه بیگباشیلندن متقاعد اگاه باشا زاده اسماعیل حقى بك ارتحال دار بقا ایشلردور .

رحمة الله علیه رحمة واسعة

مرحوم مشارالیه عالم ، فاضل و اخلاق محسنه اصحابندن اولوب ارتحالی موجب تأسفدرا عائله کدر دید سینه بیان تعزیت ایلر .

تحويل مأموریت — چتالجه سنجاغی متصرفلغه بولی متصرف علی سیدی بك افندی بولی سنجاغی متصرفلغه کنفری متصرف سابق رشاد بك افندی کنفری متصرفلغه اماسیه متصرف سابق سیری بك افندی حضراتی تعیین بیورلشلردور .

شایان تقدیر برحمیت و وطنپرورلک اثری

قسطنطنیوده تورک طرز معماریسنده نظریف و محتم شکله اولق اوزره باشلانان و انشائی شیمدی به قدر خیل ایلرولین اتحاد و ترقی قلوبنک انشائی مصارفه مدار اولق اوزره قسطنطنی مولوی درگاه شریفی پوست نشینی حامل چلی افندی طرفندن ۱۰۰۰ «لیرای عثمانی» تبرع اولنشدور . موصی الیه چلی افندیستک مستقنا بر صورتده کوسترمش اولدقلری شو حمیت و مساحتدن طولانی کندیلرینه بیان تقدیر و تشکر ایلر .

حقوق عائله قرارنامه سی
فصل ثالث

عیسویلره متعلق نکاحک فساد و بطلانی حقنده در .

ماده : ۶۳ ۲۹، ۲۸، ۲۷، ۱۷ نجی ماده لر موجبجه ینلرنده درجات معینه اوزره قرابت و مناسبت بولنانلرک ازدواجی باطلدر .

ماده : ۶۴ نکاح موجود اوزرینه عقد ایدیلن ایکنی نکاح باطلدر .

ماده : ۶۵ اوچ دفعه تزوج ایدوب آیرلدقدن صکره دردیجی دفعه تزوج باطلدر .

ماده : ۶۶ بحضونک نکاحی فاسددور .

ماده : ۶۷ حین عقدده طرفینک برنده مانع تقرب امراض و احوالدن برشی موجود اولدینی صورتده نکاح فاسد اولور .

ماده : ۶۸ حین عقدده باب اولک فصل نایسند محرم مواد موجبجه طرفیندن بری شرائط اهلیتی حائز بولمازسه نکاح فاسد اولور .

باب خامس

فصل اول

نکاحک احکامی بیاننده در

ماده : ۶۹ نکاحک صحیحاً انعقادیه برابر زوج اوزرینه زوجیه نك مهر و نفقه سی لازم کایر و آرد لرنده حق توارث ثابت اولور .

ماده : ۷۰ زوج کندی ایستدیکی محله زوجیه سی ایچون بالجله لوازمیه بر مسکن شرعی تدارکته مجبوردر .

ماده : ۷۱ زوجیه مهر معجلی استیفا دل صکره زوجیه مسکن شرعی اولان خانه سنده اقامت و زوجی بشفه ملکته کیتک ایستدکده بر مانع بولمیدینی تقدیرده برلکده عزیمته مجبوردر .

حقوق مطبوعه سی مدیر مسئول : حسن کاظم